

影印宋元版

藏經大寶

綫裝書局

影印宋元版 第五冊

磧砂大藏經

綫裝書局

圖書在版編目(CIP)數據

磧砂大藏經. - 北京: 綫裝書局. 2004. 10

ISBN 7-80106-218-3

I. 磧… II. 大藏經… IV. B941

中國版本圖書館 CIP 數據核字(2004)第 069125 號

磧砂大藏經

(全一百二十冊)

責任編輯 易行
出版發行 綫裝書局

地址: 北京市鼓樓西大街四十一號

郵編: 一〇〇〇〇九

電話: 六四〇四五二八三

中國地質科學院五六二印刷廠

二〇〇五年五月第一版第一次印刷

ISBN-7-80106-218-3


一—二〇〇套

定 印 書 版 印

價 數 號 次 刷

五萬八仟圓

ISBN 7-80106-218-3



9 787801 062185 >

第五册目次

大般若波羅蜜多經 六百卷(五) 唐玄奘譯

.....

大般若波羅蜜多經卷第一百九十七 往七

大唐三藏法師 玄奘奉 詔譯

初分難信解品第三十四之十六

善現生者清淨故布施波羅蜜多清淨布施波羅蜜多清淨故一切智智清淨何以故若生者清淨若布施波羅蜜多清淨若一切智

一
既于陽利

智清淨無二無二分無別無斷故生者清淨故淨戒安忍精進靜慮般若波羅蜜多清淨淨戒乃至般若波羅蜜多清淨故一切智智清淨何以故若生者清淨若淨戒乃至般若波羅蜜多清淨若一切智智清淨無二無二分無別無斷故善現生者清淨故內空清淨

內空清淨故一切智智清淨何以故若生者清淨若內空清淨若一切智智清淨無二無二分無別無斷故生者清淨故外空內外空空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自

性空清淨外空乃至無性自性空清淨故一切智智清淨何以故若生者清淨若外空乃至無性自性空清淨若一切智智清淨無二分無別無斷故善現生者清淨故真如清淨真如清淨故一切智智清淨何以故若生者清淨若真如清淨若一切智智清淨無

二無二分無別無斷故生者清淨故法界法性不虛妄性不變異性平等性離生性法定法住實際虛空界不思議界清淨法界乃至不思議界清淨故一切智智清淨何以故若生者清淨若法界乃至不思議界清淨若一切智智清淨無二無二分無別無斷故善現生者清淨故苦聖諦清淨苦聖諦清淨故一切智智清淨何以故若生者清淨若苦聖諦清淨若一切智智清淨無二無二分無別無斷故生者清淨故集滅道聖諦清淨集滅道聖諦清淨故一切智智清淨何以故若生者清淨若集滅道聖諦清淨若一切智智清淨

無二無二分無別無斷故善現生者清淨故
四靜慮清淨四靜慮清淨故一切智智清淨
何以故若生者清淨若四靜慮清淨若一切
智智清淨無二無二分無別無斷故生者清
淨故四無量四無色定清淨四無量四無色
定清淨故一切智智清淨何以故若生者清

往七

二

淨若四無量四無色定清淨若一切智智清
淨無二無二分無別無斷故善現生者清淨
故八解脫清淨八解脫清淨故一切智智清
淨何以故若生者清淨若八解脫清淨若一
切智智清淨無二無二分無別無斷故生者
清淨故八勝處九次第定十遍處清淨八勝

處九次第定十遍處清淨故一切智智清淨
何以故若生者清淨若八勝處九次第定十
遍處清淨若一切智智清淨無二無二分無
別無斷故善現生者清淨故四念住清淨四
念住清淨故一切智智清淨何以故若生者
清淨若四念住清淨若一切智智清淨無二

無二分無別無斷故生者清淨故四正斷四
神足五根五力七等覺支八聖道支清淨四
正斷乃至八聖道支清淨故一切智智清淨
何以故若生者清淨若四正斷乃至八聖道
支清淨若一切智智清淨無二無二分無別
無斷故善現生者清淨故空解脫門清淨空

解脫門清淨故一切智智清淨何以故若生
者清淨若空解脫門清淨若一切智智清淨
無二無二分無別無斷故生者清淨故無相
無願解脫門清淨無相無願解脫門清淨故
一切智智清淨何以故若生者清淨若無相
無願解脫門清淨若一切智智清淨無二無

往七

三

二分無別無斷故善現生者清淨故菩薩十
地清淨菩薩十地清淨故一切智智清淨何
以故若生者清淨若菩薩十地清淨若一切
智智清淨無二無二分無別無斷故善現生
者清淨故五眼清淨五眼清淨故一切智智
清淨何以故若生者清淨若五眼清淨若一

切智智清淨無二無二分無別無斷故生者清淨故六神通清淨六神通清淨故一切智智清淨何以故若生者清淨若六神通清淨若一切智智清淨無二無二分無別無斷故善現生者清淨故佛十力清淨佛十力清淨故一切智智清淨何以故若生者清淨若佛

十力清淨若一切智智清淨無二無二分無別無斷故生者清淨故四無所畏四無礙解大慈大悲大喜大捨十八佛不共法清淨四無所畏乃至十八佛不共法清淨故一切智智清淨何以故若生者清淨若四無所畏乃至十八佛不共法清淨若一切智智清淨無二無二分無別無斷故善現生者清淨故無忘失法清淨無忘失法清淨故一切智智清淨何以故若生者清淨若無忘失法清淨若一切智智清淨無二無二分無別無斷故生者清淨故恒住捨性清淨恒住捨性清淨故一切智智清淨何以故若生者清淨若恒住

捨性清淨若一切智智清淨無二無二分無別無斷故善現生者清淨故一切智智清淨一切智智清淨故一切智智清淨何以故若生者清淨若一切智智清淨若一切智智清淨無二無二分無別無斷故生者清淨故道相智一切相智清淨道相智一切相智清淨故一切

智智清淨何以故若生者清淨若道相智一切相智清淨若一切智智清淨無二無二分無別無斷故善現生者清淨故一切陀羅尼門清淨一切陀羅尼門清淨故一切智智清淨何以故若生者清淨若一切陀羅尼門清淨若一切智智清淨無二無二分無別無斷

住七

四

故生者清淨故一切三摩地門清淨一切三摩地門清淨故一切智智清淨何以故若生者清淨若一切三摩地門清淨若一切智智清淨無二無二分無別無斷故善現生者清淨故預流果清淨預流果清淨故一切智智清淨何以故若生者清淨若預流果清淨若

一切智智清淨無二無二分無別無斷故生者清淨故一來不還阿羅漢果清淨一來不還阿羅漢果清淨故一切智智清淨何以故若生者清淨若一來不還阿羅漢果清淨若一切智智清淨無二無二分無別無斷故善現生者清淨故獨覺菩提清淨

淨故一切智智清淨何以故若生者清淨若獨覺菩提清淨若一切智智清淨無二無二分無別無斷故善現生者清淨故一切菩薩摩訶薩行清淨一切菩薩摩訶薩行清淨故一切智智清淨何以故若生者清淨若一切菩薩摩訶薩行清淨若一切智智清淨無二

無二分無別無斷故善現生者清淨故諸佛無上正等菩提清淨諸佛無上正等菩提清淨故一切智智清淨何以故若生者清淨若諸佛無上正等菩提清淨若一切智智清淨無二無二分無別無斷故復次善現養育者清淨故色清淨色清淨故一切智智清淨何

往七

五

以故若養育者清淨若色清淨若一切智智清淨無二無二分無別無斷故養育者清淨故受想行識清淨受想行識清淨故一切智智清淨何以故若養育者清淨若受想行識清淨若一切智智清淨無二無二分無別無斷故善現養育者清淨故眼處清淨眼處清

淨故一切智智清淨何以故若養育者清淨若眼處清淨若一切智智清淨無二無二分無別無斷故養育者清淨故耳鼻舌身意處清淨耳鼻舌身意處清淨故一切智智清淨何以故若養育者清淨若耳鼻舌身意處清淨若一切智智清淨無二無二分無別無斷

故善現養育者清淨故色處清淨色處清淨故一切智智清淨何以故若養育者清淨若色處清淨若一切智智清淨無二無二分無別無斷故養育者清淨故聲香味觸法處清淨聲香味觸法處清淨故一切智智清淨何以故若養育者清淨若聲香味觸法處清淨

若一切智智清淨無二無二分無別無斷故善現養育者清淨故眼界清淨眼界清淨故一切智智清淨何以故若養育者清淨若眼界清淨若一切智智清淨無二無二分無別無斷故養育者清淨故色界眼識界及眼觸眼觸爲緣所生諸受清淨色界乃至眼觸爲

緣所生諸受清淨故一切智智清淨何以故若養育者清淨若色界乃至眼觸爲緣所生諸受清淨若一切智智清淨無二無二分無別無斷故善現養育者清淨故耳界清淨耳界清淨故一切智智清淨何以故若養育者清淨若耳界清淨若一切智智清淨無二無

二分無別無斷故養育者清淨故聲界耳識界及耳觸耳觸爲緣所生諸受清淨聲界乃至耳觸爲緣所生諸受清淨若聲界乃至耳觸爲緣所生諸受清淨若一切智智清淨無二無二分無別無斷故善現養育者清淨故鼻

往七

六

界清淨鼻界清淨故一切智智清淨何以故若養育者清淨若鼻界清淨若一切智智清淨無二無二分無別無斷故養育者清淨故香界鼻識界及鼻觸鼻觸爲緣所生諸受清淨香界乃至鼻觸爲緣所生諸受清淨故一切智智清淨何以故若養育者清淨若香界

乃至鼻觸爲緣所生諸受清淨若一切智智清淨無二無二分無別無斷故善現養育者清淨故舌界清淨舌界清淨故一切智智清淨何以故若養育者清淨若舌界清淨若一切智智清淨無二無二分無別無斷故養育者清淨故味界舌識界及舌觸舌觸爲緣所生諸受清淨味界乃至舌觸爲緣所生諸受清淨故一切智智清淨何以故若養育者清淨若味界乃至舌觸爲緣所生諸受清淨若一切智智清淨無二無二分無別無斷故善現養育者清淨故身界清淨身界清淨故一切智智清淨何以故若養育者清淨若身界

清淨若一切智智清淨無二無二分無別無斷故養育者清淨故觸界身識界及身觸身觸爲緣所生諸受清淨觸界乃至身觸爲緣所生諸受清淨故一切智智清淨何以故若養育者清淨若觸界乃至身觸爲緣所生諸受清淨若一切智智清淨無二無二分無別

往七

七

無斷故善現養育者清淨故意界清淨意界清淨故一切智智清淨何以故若養育者清淨若意界清淨若一切智智清淨無二無二分無別無斷故養育者清淨故法界意識界及意觸意觸爲緣所生諸受清淨法界乃至意觸爲緣所生諸受清淨故一切智智清淨何以故若養育者清淨若法界乃至意觸爲緣所生諸受清淨若一切智智清淨無二無二分無別無斷故善現養育者清淨故地界清淨地界清淨故一切智智清淨何以故若養育者清淨若地界清淨若一切智智清淨無二無二分無別無斷故養育者清淨故水

火風空識界清淨水風火風空識界清淨故一切智智清淨何以故若養育者清淨若水風空識界清淨若一切智智清淨無二無二分無別無斷故善現養育者清淨故無明清淨無明清淨故一切智智清淨何以故若養育者清淨若無明清淨若一切智智清淨無二無二分無別無斷故養育者清淨故行識名色六處觸受愛取有生老死愁歎苦憂惱清淨行乃至老死愁歎苦憂惱清淨故一切智智清淨何以故若養育者清淨若行乃至老死愁歎苦憂惱清淨若一切智智清淨無二無二分無別無斷故善現養育者清淨故布施波羅蜜多清淨布施波羅蜜多清淨故一切智智清淨何以故若養育者清淨若布施波羅蜜多清淨若一切智智清淨無二無二分無別無斷故養育者清淨故淨戒安忍精進靜慮般若波羅蜜多清淨戒乃至般若波羅蜜多清淨故一切智智清淨何以故

若養育者清淨若淨戒乃至般若波羅蜜多
清淨若一切智智清淨無二無二分無別無
斷故善現養育者清淨故內空清淨內空清
淨故一切智智清淨何以故若養育者清淨
若內空清淨若一切智智清淨無二無二分
無別無斷故養育者清淨故外空內外空空

住七

八

空空勝義空有為空無為空畢竟空無際
空散空無變異空本性空自相空共相空一
切法空不可得空無性空自性空無性自性
空清淨外空乃至無性自性空清淨故一切
智智清淨何以故若養育者清淨若外空乃
至無性自性空清淨若一切智智清淨無二

無二分無別無斷故善現養育者清淨故真
如清淨真如清淨故一切智智清淨何以故
若養育者清淨若真如清淨若一切智智清
淨無二無二分無別無斷故養育者清淨故
法界法性不虛妄性不變異性平等性離生
性法定法住實際虛空界不思議界清淨法

界乃至不思議界清淨故一切智智清淨何
以故若養育者清淨若法界乃至不思議界
清淨若一切智智清淨無二無二分無別無
斷故善現養育者清淨故苦聖諦清淨苦聖
諦清淨故一切智智清淨何以故若養育者
清淨若苦聖諦清淨若一切智智清淨無二

無二分無別無斷故養育者清淨故集滅道
聖諦清淨集滅道聖諦清淨故一切智智清
淨何以故若養育者清淨若集滅道聖諦清
淨若一切智智清淨無二無二分無別無斷
故善現養育者清淨故四靜慮清淨四靜慮
清淨故一切智智清淨何以故若養育者清

住七

九

淨若四靜慮清淨若一切智智清淨無二無
二分無別無斷故養育者清淨故四無量四
無色定清淨四無量四無色定清淨故一切
智智清淨何以故若養育者清淨若四無量
四無色定清淨若一切智智清淨無二無二
分無別無斷故善現養育者清淨故八解脫

清淨八解脫清淨故一切智智清淨何以故若養育者清淨若八解脫清淨若一切智智清淨無二無二分無別無斷故養育者清淨故八勝處九次第定十遍處清淨八勝處九次第定十遍處清淨故一切智智清淨何以故若養育者清淨若八勝處九次第定十遍

處清淨若一切智智清淨無二無二分無別無斷故善現養育者清淨故四念住清淨四念住清淨故一切智智清淨何以故若養育者清淨若四念住清淨若一切智智清淨無二無二分無別無斷故養育者清淨故四正斷四神足五根五力七等覺支八聖道支清

淨四正斷乃至八聖道支清淨故一切智智清淨何以故若養育者清淨若四正斷乃至八聖道支清淨若一切智智清淨無二無二分無別無斷故善現養育者清淨故空解脫門清淨空解脫門清淨故一切智智清淨何以故若養育者清淨若空解脫門清淨若一

切智智清淨無二無二分無別無斷故養育者清淨故無相無願解脫門清淨無相無願解脫門清淨故一切智智清淨何以故若養育者清淨若無相無願解脫門清淨若一切智智清淨無二無二分無別無斷故善現養育者清淨故菩薩十地清淨菩薩十地清淨

故一切智智清淨何以故若養育者清淨若菩薩十地清淨若一切智智清淨無二無二分無別無斷故善現養育者清淨故五眼清淨五眼清淨故一切智智清淨何以故若養育者清淨若五眼清淨若一切智智清淨無二無二分無別無斷故養育者清淨故六神

往七

十

通清淨六神通清淨故一切智智清淨何以故若養育者清淨若六神通清淨若一切智智清淨無二無二分無別無斷故善現養育者清淨故佛十力清淨佛十力清淨故一切智智清淨何以故若養育者清淨若佛十力清淨若一切智智清淨無二無二分無別無

斷故養育者清淨故四無所畏四無礙解大慈大悲大喜大捨十八佛不共法清淨四無所畏乃至十八佛不共法清淨故一切智智清淨何以故若養育者清淨若四無所畏乃至十八佛不共法清淨若一切智智清淨無二無二分無別無斷故善現養育者清淨故

無忘失法清淨無忘失法清淨故一切智智清淨何以故若養育者清淨若無忘失法清淨若一切智智清淨無二無二分無別無斷故養育者清淨故恒住捨性清淨恒住捨性清淨故一切智智清淨何以故若養育者清淨若恒住捨性清淨若一切智智清淨無二

無二分無別無斷故善現養育者清淨故一切智智清淨一切智智清淨故一切智智清淨何以故若養育者清淨若一切智智清淨若一切智智清淨無二無二分無別無斷故養育者清淨故道相智一切相智清淨道相智一切相智清淨故一切智智清淨何以故若養育

往七

十二

者清淨若道相智一切相智清淨若一切智智清淨無二無二分無別無斷故善現養育者清淨故一切陀羅尼門清淨一切陀羅尼門清淨故一切智智清淨何以故若養育者清淨若一切陀羅尼門清淨若一切智智清淨無二無二分無別無斷故養育者清淨故

一切三摩地門清淨一切三摩地門清淨故一切智智清淨何以故若養育者清淨若一切三摩地門清淨若一切智智清淨無二無二分無別無斷故善現養育者清淨故預流果清淨預流果清淨故一切智智清淨何以故若養育者清淨若預流果清淨若一切智

智清淨無二無二分無別無斷故養育者清淨故一來不還阿羅漢果清淨一來不還阿羅漢果清淨故一切智智清淨何以故若養育者清淨若一來不還阿羅漢果清淨若一切智智清淨無二無二分無別無斷故善現養育者清淨故獨覺菩提清淨獨覺菩提清

淨故一切智智清淨何以故若養育者清淨若獨覺菩提清淨若一切智智清淨無二無二分無別無斷故善現養育者清淨故一切菩薩摩訶薩行清淨一切菩薩摩訶薩行清淨故一切智智清淨何以故若養育者清淨若一切菩薩摩訶薩行清淨若一切智智清

淨無二無二分無別無斷故善現養育者清淨故諸佛無上正等菩提清淨諸佛無上正等菩提清淨故一切智智清淨何以故若養育者清淨若諸佛無上正等菩提清淨若一切智智清淨無二無二分無別無斷故復次善現士夫清淨故色清淨色清淨故一切智

智清淨何以故若士夫清淨若色清淨若一切智智清淨無二無二分無別無斷故士夫清淨故受想行識清淨受想行識清淨故一切智智清淨何以故若士夫清淨若受想行識清淨若一切智智清淨無二無二分無別無斷故善現士夫清淨故眼處清淨眼處清

往七

十二

淨故一切智智清淨何以故若士夫清淨若眼處清淨若一切智智清淨無二無二分無別無斷故士夫清淨故耳鼻舌身意處清淨耳鼻舌身意處清淨故一切智智清淨何以故若士夫清淨若耳鼻舌身意處清淨若一切智智清淨無二無二分無別無斷故善現

士夫清淨故色處清淨色處清淨故一切智智清淨何以故若士夫清淨若色處清淨若一切智智清淨無二無二分無別無斷故士夫清淨故聲香味觸法處清淨聲香味觸法處清淨故一切智智清淨何以故若士夫清淨若聲香味觸法處清淨若一切智智清淨

無二無二分無別無斷故善現士夫清淨故眼界清淨眼界清淨故一切智智清淨何以故若士夫清淨若眼界清淨若一切智智清淨無二無二分無別無斷故士夫清淨故色界眼識界及眼觸眼觸為緣所生諸受清淨色界乃至眼觸為緣所生諸受清淨故一切

智智清淨何以故若士夫清淨若色界乃至
眼觸爲緣所生諸受清淨若一切智智清淨
無二無二分無別無斷故善現士夫清淨故
耳界清淨耳界清淨故一切智智清淨何以
故若士夫清淨若耳界清淨若一切智智清
淨無二無二分無別無斷故士夫清淨故聲

往七

十三

界耳識界及耳觸耳觸爲緣所生諸受清淨
聲界乃至耳觸爲緣所生諸受清淨故一切
智智清淨何以故若士夫清淨若聲界乃至
耳觸爲緣所生諸受清淨若一切智智清淨
無二無二分無別無斷故善現士夫清淨故
鼻界清淨鼻界清淨故一切智智清淨何以

故若士夫清淨若鼻界清淨若一切智智清
淨無二無二分無別無斷故士夫清淨故香
界鼻識界及鼻觸鼻觸爲緣所生諸受清淨
香界乃至鼻觸爲緣所生諸受清淨故一切
智智清淨何以故若士夫清淨若香界乃至
鼻觸爲緣所生諸受清淨若一切智智清淨

無二無二分無別無斷故善現士夫清淨故
舌界清淨舌界清淨故一切智智清淨何以
故若士夫清淨若舌界清淨若一切智智清
淨無二無二分無別無斷故士夫清淨故味
界舌識界及舌觸舌觸爲緣所生諸受清淨
味界乃至舌觸爲緣所生諸受清淨故一切

智智清淨何以故若士夫清淨若味界乃至
舌觸爲緣所生諸受清淨若一切智智清淨
無二無二分無別無斷故善現士夫清淨故
身界清淨身界清淨故一切智智清淨何以
故若士夫清淨若身界清淨若一切智智清
淨無二無二分無別無斷故士夫清淨故觸
界身識界及身觸身觸爲緣所生諸受清淨
觸界乃至身觸爲緣所生諸受清淨故一切
智智清淨何以故若士夫清淨若觸界乃至
身觸爲緣所生諸受清淨若一切智智清淨
無二無二分無別無斷故善現士夫清淨故
意界清淨意界清淨故一切智智清淨何以

故若士夫清淨若意界清淨若一切智智清淨無二無二分無別無斷故士夫清淨故法界意識界及意觸意觸為緣所生諸受清淨法界乃至意觸為緣所生諸受清淨故一切智智清淨何以故若士夫清淨若法界乃至意觸為緣所生諸受清淨若一切智智清淨

往七

十四末

無二無二分無別無斷故善現士夫清淨故地界清淨地界清淨故一切智智清淨何以故若士夫清淨若地界清淨若一切智智清淨無二無二分無別無斷故士夫清淨故水火風空識界清淨水火風空識界清淨故一切智智清淨何以故若士夫清淨若水火風

空識界清淨若一切智智清淨無二無二分無別無斷故善現士夫清淨故無明清淨無明清淨故一切智智清淨何以故若士夫清淨若無明清淨若一切智智清淨無二無二分無別無斷故士夫清淨故行識名色六處觸受愛取有生老死愁歎苦憂惱清淨行乃

至老死愁歎苦憂惱清淨故一切智智清淨何以故若士夫清淨若行乃至老死愁歎苦憂惱清淨若一切智智清淨無二無二分無別無斷故

大般若波羅蜜多經卷第一百九十七 往七

大般若波羅蜜多經卷第一百九十八 往八

大唐三藏法師 玄奘奉 詔譯

初分難信解品第三十四之十七

善現士夫清淨故布施波羅蜜多清淨布施波羅蜜多清淨故一切智智清淨何以故若士夫清淨若布施波羅蜜多清淨若一切智

說子略刊

智清淨無二無二分無別無斷故士夫清淨故淨戒安忍精進靜慮般若波羅蜜多清淨淨戒乃至般若波羅蜜多清淨故一切智智清淨何以故若士夫清淨若淨戒乃至般若波羅蜜多清淨若一切智智清淨無二無二分無別無斷故善現士夫清淨故內空清淨

內空清淨故一切智智清淨何以故若士夫清淨若內空清淨若一切智智清淨無二無二分無別無斷故士夫清淨故外空內外空空空大空勝義空有爲空無爲空畢竟空無際空散空無變異空本性空自相空共相空一切法空空不可得空無性空自性空無性自

性空清淨外空乃至無性自性空清淨故一切智智清淨何以故若士夫清淨若外空乃至無性自性空清淨若一切智智清淨無二無二分無別無斷故善現士夫清淨故真如清淨真如清淨故一切智智清淨何以故若士夫清淨若真如清淨若一切智智清淨無

二無二分無別無斷故士夫清淨故法界法性不虛妄性不變異性平等性離生性法定法住實際虛空界不思議界清淨法界乃至不思議界清淨故一切智智清淨何以故若士夫清淨若法界乃至不思議界清淨若一切智智清淨無二無二分無別無斷故善現

士夫清淨故苦聖諦清淨苦聖諦清淨故一切智智清淨何以故若士夫清淨若苦聖諦清淨若一切智智清淨無二無二分無別無斷故士夫清淨故集滅道聖諦清淨集滅道聖諦清淨故一切智智清淨何以故若士夫清淨若集滅道聖諦清淨若一切智智清淨

無二無二分無別無斷故善現士夫清淨故四靜慮清淨四靜慮清淨故一切智智清淨何以故若士夫清淨若四靜慮清淨若一切智智清淨無二無二分無別無斷故士夫清淨故四無量四無色定清淨四無量四無色定清淨故一切智智清淨何以故若士夫清

住八

二

淨若四無量四無色定清淨若一切智智清淨無二無二分無別無斷故善現士夫清淨故八解脫清淨八解脫清淨故一切智智清淨何以故若士夫清淨若八解脫清淨若一切智智清淨無二無二分無別無斷故士夫清淨故八勝處九次第定十遍處清淨八勝